

Tiara Air ta orguyoso di por anuncia

Piloto Hoben Arubiano a haya su Halanan

Wayaca - Ralph Hoek tabata trahando na General Air Services ora e la wordo descubri pa e Director di Flight Operations di Tiara Air, como un homber cu un soño, un soño di bira un piloto comercial.

Encurasha pa sigui su vision, Ralph no a perde tempo y inmediatamente a cuminsa cu e reto di haya su licencia di piloto priva, y recientemente el a obtene su licencia di piloto profesional tambe.

Tiara Air su Director Gerente Alejandro Muyale tabata hopi contento di mira e dedicacion y determinacion di e hoben Arubiano y el a tuma e decision di sponsor su entrenamiento como "First Officer" pa Tiara Air.

Despues di 5 luna di entrenamiento y buelo na Merca, Ralph a regresa pa Aruba un tiki prome cu Pasco pa sigui traha riba su certificacion, di berdad na caminda pa bira un piloto full time pa Tiara Air.

Dia 25 di februari e la realisa su soño ora e la pasa su ultimo

"Professional Check Ride" den un di Tiara Air su avionnan, un shorts SD3-60.

Bulando cu e Capitan di entrenamiento e la pasa su test di bula y a bira e piloto nobo di Tiara, porciento e piloto mas hoben pa cuminsa su carera cu Tiara Air.

Na conclusion di tur e rekisitonan Piloto Hefe Aldrin Wever a presenta Ralph cu su halanan nobo durante un celebracion chikito den presencia di su mayornan orguyoso.

Ralph a wordo honra riba e ocasion special aki y a bira un miembro completo di e grupo di piloto di Tiara Air.

"Nos ta spera cu mas hoben Arubiano ta sigui e pasanan di Ralph," tabata e palabranan di Muyale, kende ta Director Gerente pa tanto General Air Service como Tiara Air. "Speranan wordo inspira y porta hasta contempla e opcion di bira miembro di e Ekipo di Flight, Cabin of Ground den futuro," el a agrega, "nos ta yama bon bini y ta balora talentonan hoben y balente."

